

水流雲在館詩鈔



水流雲在
館詩鈔


試帖
詩附

石君自書

可洛

光緒二十一年
歲次乙未九月刊

可洛



丹徒周石君先生少承其先太史公之家學卽工爲詩早官京師負才名出參幕府治章奏爲文踔厲風發不可一世歷守山西州郡者幾三十年再權平陽去後民思其同澤州任也父老欣然迎於郊曰我公歸矣先生爲政不喜操切務爲寬大休養故人樂依之雖官二千石久而甚貧郡閣事簡公餘輒手一編起居蕭然若寒士而威儀之貧者或賴以舉火令弟子絀大令官河南虧累甚鉅罄廉俸畀之不少靳江右陳子閱大受流寓澤州與先生論詩相得歿後爲經紀其喪且恤其諸子嘗謂詩之爲道必先有真性情而後能深之以學問先生天性孝友于山川行役友朋贈答無不纏綿悱惻一往而深而慨時事之艱難憂民生之疾苦則又沈鬱頓挫抑揚要眇可泣鬼神至若弱

序

翁之治行久彰汲公乃十年不召雖賢者處此不能無牢騷屈抑之感形諸歌詠而先生天懷淡定詞旨和平令人莫測其際焉顧以名高受謗心苦憂讒非無蘇公巷伯之篇仍寓溫柔敦厚之意此固由於學深養邃而非性情之真摯亦何能及此也集中所爲詩皆謹守唐律長篇短什無不聲調鏗鏘音節圓美無一槎枒生澀之語與凌厲叫囂之氣不矜奇炫博而讀書既多典籍自足供驅使讀者但喜其清新流利而豈知其鍛鍊之深每一篇成必數易稿而乃示人慘澹經營有如是歟初宗少陵晚年酷嗜子瞻於二公集皆能誦誦嘗集成句至數百首一氣揮灑章法渾成絕無餽餉之習顧所自爲詩則又能盡變古人之形貌惟其真也先生詩集嘗一再刻於上海今年乃盡編

次所作付之梓人書來命榮驥爲之序自維學識誦陋何足以
知先生之詩顧以屬吏事先生二年習聞緒論尙能略窺先生
之爲人謹就所知言之以告海內讀先生之詩者先生尤精詞
學茲編成若干卷附於集後其文集將次第刻之驥尤以先觀
爲快云光緒乙未八月蒲圻賀榮驥謹序

序

二

仲荆自辛巳需次山西卽獲侍石君都轉於瘡文書局局爲曾
忠襄公撫晉時所設刊印諸書以惠三晉之士當是時大府以
公綜局務而仲荆與同事諸君從而受成焉公與德配蕭夫人
夙好填詞有合彙已刊行今所傳倚月樓詞月樓琴語是也公
又兼喜爲古今體詩每有作輒使仲荆讀而和之然公才思敏
贍如風發泉涌仲荆則思致艱澀踟蹰以趨如鈍蛙之追騏驎
故每三四屬乃一和焉或屢屬而終不一和公亦不之怪也迨
甲申春仲荆承乏高平越二年而公來守澤州高於澤爲屬邑
故於稟承公事之暇亦時受公詩而讀之然自是仲荆困於吏
事公雖不時以詩見及而仲荆之和作則較書局時又加少矣
今公編次所爲古今體詩以授梓人而屬仲荆爲之序仲荆旣
不能和公詩又焉能序公詩乎雖然自辛巳至今已十餘年此
十餘年中惟仲荆獲侍於公爲最久亦惟仲荆得讀公詩爲最
多仲荆於公詩雖無能爲役而藉得挂名簡端有榮幸焉故不
辭而爲之序光緒二十一年九月屬吏韓仲荆謹序

序

唐虞賡歌詩教起明良一德君臣鄰商周三百風雅頌用和上
 下通神人延陵說詩古第一燭照數計何其神秦漢而降至六
 代屈指眾作尤彬彬李唐之詩始大備雜然各體難具陳自唐
 以來幾千載時移世異猶翻新平原賦詩工隸字陰修戰具清
 邊塵歐陽守滄重民瘼醉翁亭子邀嘉賓長公治杭屢報最萬
 株楊柳西湖濱數公吟詠不廢事何至冒禁迂儒噴石君太守
 號風雅淵源家學傳遺薪一編示我入晉作搗謙要我刪荆榛
 君詩意高遺詞雅下視餘子非其倫單辭妙句難悉數大手老
 筆推蹻輪同宦農曹又山右解郇咫尺常相親談詩莫逆亦同
 志一得敢答君諮詢願君崇功益廣業伯仲修軼顏清臣嗟余
 好古苦不敏亦願學步難爲顰依稀彷彿未可必要君指我河
 之津

題辭

一

集集中句

邵光祐 雪嵐

壁上龍泉拂劍花尊前聚散感搏沙愛蓮有約偕君子巨手終
 推老作家如此聰明照冰雪偶然談讌亦風華晉陽雲樹應懷
 我明日相思覺倍加

代 泰

水流雲在館詩鈔

丹徒 周天麟 石君

五言古詩

徐春癯明府

光第

獎余詩過甚兼荷贈句賦此答謝

論詩與論交皆貴有真意但矜文采奇究非切磋義我丈今詩人忘年結深契同際時世艱耽此寂寞味西風門晝局落葉紛滿地晨夕雖暫睽問訊日頻至嗟我未聞道攻詩但餘技偶然抒懷抱那復有關繫昨爲九日詩蕭瑟寫秋思相賞何太高獎借極再四當代稱詩家奚止數百輩若輩能幾篇沉痛鏤肝肺君獨於我詩未免有偏嗜秋蟲多苦吟孤鶴發遙唳讀君贈我句使我汗浹背賦此聊相酬兼以志吾愧

五言古詩卷一

一

寄懷春癯大梁

久聚殊不覺暫別方見思古人賦蕭艾一日三秋時思君亦何爲所思在君詩君詩得天籟條若風雨馳有時出妍媚亦如桃李姿得句輒過訪賞詠無弗宜饑來忽驅我去矣長河涓別君柳已髡思君柳又絲春來感離索吟興未可知自我來袁江忽忽歲兩移閉門芳草深抑鬱語向誰迴思唱與和此樂難再期春波今已綠雙鯉儻見遺錦囊復多少寄我君母遲

題周達齋

士釗

雲山變幻圖

薄暮雨初霽山色猶空濛高人命儔侶江上支吟筇浮雲忽變幻到眼皆奇峯攬勝趣可悅招隱心亦同兩點金與焦我尙羈遊蹤披圖一神往夢落江煙空

壬申秋道出淮上聞汪大景初貴翁卒於津門幕次卽擬

哭之以詩嗣因行色恩遽歌不成章次年春得其尊甫
夢梧廣文文書偶觸舊懷愴然有作

我生篤求友知己良獨難與君一相見遂若平生歡蹤迹苔與
岑氣誼金與蘭深情溢潭水秀發如春巒君年正少壯有志青
雲千小試輒冠軍拔幟驚文壇扶搖九萬里直上期鵬搏誰知
運偃蹇屢鍛秋風翰賁賦弗療飢往往愁朝餐高堂俱白髮冷
共首藋盤每念菽水供對婦空長歎男兒四方志挺特思彈冠
乃挾濟時策襍被遊長安饑驅那得已庶幾博徵官是時盜方
熾民物傷凋殘長纓一朝請報國忱輸丹致身五馬貴拭眼
雙龍蟠衣錦暫歸里豔羨生旁觀老親色爲喜一笑伸眉攢亟

五言古詩卷一

二

思謀祿養覲接趨金鑿里閨雖再出骨肉終團圓側聞海氛
惡走謁軍中韓復留贊戎幕心力從此殫我昨過津門六月暑
如瘴維舟適君館杯酒留盤桓浮瓜薦夕爽坐久忘露溥示我
舊時帶頓覺腰圍寬恩遽復言別猶作生離看我行未三月凶
問來無端天涯竟客死此恨何漫漫君父執吾手承睫淚未乾
阿母聞我來堂上聲猶酸有婦泣寡鵠斷軫難爲彈孤兒方四
齡熊膽將和丸凡此泉下心一一都未完憐才得大府身後塵
饑寒醜金爲歸骨蕩蕩來一棺余將西去晉揮涕上征鞍冰雪
方載送到家歲已闌君父遺我書墨和淚洗瀾上言師恩厚下
言門戶單臨風讀未卒沉痛摧心肝

哭內兄蕭薌泉方伯浚齋一百四十韻

癸酉季冬望己丑日過申我方校射畢退食謀饗殮甫行至訟
閭僕若有所云云有舊時僕書附西江鱗我意猜八九兩睫淚
已盈踉蹌急趨入入室聞悲聲阿妹捧書哭滿紙皆嗝痕上言
十月晦君死逢茲辰君病固未詳我痛安能勝君家世忠厚積
德更累仁阿翁起縣宰五十方得君姿稟實穎異愛惜逾掌珍
束髮受章句秉訓趨鯉庭許下復隨宦讀書穎湖濱花時太守
宴觴詠羅眾賓君亦參酒座挺特無與倫僉謂公有子炳若人
中麟翩然返鄉國一試輒冠軍茲年值大比結社留榆枌奪錦
方肯歸有志事竟成而君服儒素誦習尤劬勤乙科已早掇期
勛乃愈殷吾父適解組囊筆遊武津阿翁雅憐才倒屣爭相迎
延師啟官閣讌集聯琴尊君執弟子禮進退何循循追隨惜未

五言古詩卷一

三

久梁木先顏傾我悲失乾蔭兄弟俱髻齡感君篤念舊弔死還
問存上堂見吾母哽咽聲猶吞道述阿翁意取我夷門行謂我
有宗族

春門先生

古誼夙所敦兩家供菽水俾可奉晨昏釀金爲歸

骨庶幾慰幽冥我聞且泣下揮手上征輪大梁一都會冠蓋如
雲屯風雨數椽屋苦讀門晝扃炎涼本世態誰來車馬頻君獨
遺我書致念殊慙懃時君已北上對策當大廷泥金忽報到翔
步躋蓬瀛簪毫古良史珥筆今詞臣皇華歌四牡典試來湘
衡惟楚實有材大匠得輪困視學復銜命走馬向昆明翁時
守洛郡政績循良稱傳家本清白勛以崇令名使車所過處弊
絕風尤清差喜老親健少紓遊子情何期失所恃目斷嵩陽雲
歸來見老父嬰鏤多精神私心竊稍慰壽可齊大椿衰年忽捧

檄五馬將至陳關河阻冰雪一病莫能興嗚呼君在側哀毀真
逾恆回首視堂上猶有生慈親君更鮮兄弟子立悲幾幾謝庭
慘風絮有妹依阿兄君言奉遺命謂我可締姻我愧非快婿浪
迹如蓬萍感翁真刷目至死猶垂青迨君畢喪葬爲我初完婚
攜家遂同往重踏東華塵朝夕常聚首愛我如弟昆君轉蘭臺
秩避人諫草焚有時抗權貴風骨尤嶙嶙上荷 聖主知 特
簡邀溫綸解豸冠我繡服光華新板輿奉西去直抵涼州城
涼州地寥濶雜處多番民因時播威德叵測性亦馴俄而陳臬
事遷地轉峨岷廉車剛戒道 詔復下丹宸是時盜益熾邊隅
方用兵滇南舊遊地保障資藩屏惟聞道梗塞滿目皆荆榛况
君有老母就養殊未能長安舊雨多莫如此暫停我方避兵車

五言古詩卷一

四

奉母還汴京待君商出處長驅乃至秦阿妹苦憶母千里同歸
甯入阨各道故歡極涕泗弁相聚未兩月君復賦駢征行行走
相送十里一長亭柳色淒已綠風吹上行旌陽關笛三弄哀咽
難爲聽尊前一揮手班馬長悲鳴我歸白阿母淚落都紛紛無
端忽構覺烽警煽徇氛孤城若懸卵旦夕危屢瀕我實共患難
遠忍輕離分而我亦有母日暮恆倚門况復走書告母病時吟
呻阿母頗鑿憐促我尋歸程謂當婦偕往營藥兼調羹長跪別
阿母淚皆雙熒熒不憂行路艱但悔生離輕我歸侍母疾參朮
都無靈萱花一夕萎呼籲天難膺君去日已遠安知消息真君
迫內顧憂欲進猶逡巡茫茫大宦海平地波翻騰吏議一朝呈
太息長拊膺君年纔四十未許甘隱淪遂乃發孤憤誓請長冠

纓運籌出帷幄殺賊成高勳會當謀祿養仰酬烏哺恩奈何天
不弔阿母病已攫天涯得凶問風雪過星奔况君甫膠續鸞鳳
嗟離羣危絃痛再斷中饋虛無人豈有一肺腑能受千悲辛憐
才得大府薦臙陳 九閩論功卽行賞煌煌 天語溫還君獬
牙冠翠羽輝尤增親年苦弗逮那復希浮榮時我方南歸僦居
淮上村阿妹苦憶母往往勞夢魂追聞阿母訃心骨都爲驚紙
錢遠相送撫棺慟未伸幸君已歸葬窀穸都經營阿翁早崇祀
俎豆何莘莘慈訓比歐母一一瀧阡銘君子猶少弱昨歲初遊
費旣爲兒娶婦復以女字甥凡此婚嫁願羸已了向平惟君有
兩妾弱質方青春各復生子女繡襖啼嬌嬰君誠不可死一髮
維千鈞而君忽已死天道安可論君家八九口絕無田可耕定
知屬纊日兩目應未瞑君妹自歸我同命嗟飄零卽今遠隨宦
猶復長病貧忽得阿兄訃昨夢良有因從茲骨肉少翻恨多此
身行當攜阿妹來上君家墳更攜君子女我生則俱生天日且
不欺而忍寒舊盟嗚呼爲此詩痛哭君應聞

課子讀書堂

爲汪幼堂家文園綠淨兩園十四景之一
卽次其圖中朱石甫先生璋詩韻

學業重本植詞流湖淵源高人肯堂構於此課兒孫庭前有嘉
樹百尺枝柯繁把卷坐其下美蔭今猶存委懷在詩書良由夙
好敦清風颯然至徒倚修篁軒勵志董帷苦那復窺名園翳彼
松與柏護此秋草根

念竹廊

同上

萬个青琅玕吟呼籊籊起四壁多秋聲一洗箏琶耳竟夕張瑤

琴不來怨之子

韻石山房

同上

太古有奇石墨壘當中庭玲瓏復皴透秀奪江峯青雲根作泉
語翻雪疑傾瓶絃詩向涼夕風韻尤清冷

小山泉閣

同上

枕泉建茲閣開軒納秋影泠然絃外詩淡入畫中境叢桂遙相
望月上二九冷

碧梧深處

同上

雨過涼陰疏人坐秋聲裏鶴夢時一驚琴牀落松子

古香書屋

同上

深深幾株柳縈拂環書堂牙籤積萬軸四壁都琳瑯平生所點
勘一分鉛黃鄴架早連屋宜爲子弟藏黃梅榦如鐵香古味
益長摩挲念先澤敦勉期毋忘

姚縵雲刺史

啟瑞

屬題山水畫幀四首

青山無世情和靄迎人眸相看已不厭况復當春洲東皇寵煙
柳拂拭千絲柔芳華耿昔眷新景恣清游試問拾翠人何處停
蘭舟水雲有佳約去矣毋遲留

松風滿山樓作勢雨來速陰雲幕四圍官若赴幽谷急注疑傾
盆巖腰布懸瀑伊人茲坐賞一洗遊覽目草樹鬱青蒼溪坳澗
珠玉可以絃余詩泉聲奏琴鏡

四山紅葉多聽秋無定樹囊琴以自隨那復窘高步更有同心
儔尋幽值樵路立談方須臾斜陽忽云暮飄然曳杖歸徑仄帶

雲度明日蒼苔深相思渺何處

林表雪初霽山翠彌悠然寺扉凍雲闔一杵寒鐘懸旁結高土
廬棲託幽且便虛窗納皎色照耀耽吟編老梅三五株繞屋花
更妍尋詩儻策蹇應在谿橋邊

且彭孝女墜塔行

巋然景州塔肇自隋開皇遙遙歷千載益以孝行彰孝哉彭氏
女殉母事頗詳女幼嫻姆訓賦質端而莊稍長誦書史忼慨多
激昂阿父職司牧報最推循良阿母久隨宦內政資贊襄擊來
掌上珠愛惜逾恆常及笄又六年百兩猶未將非關擇婿苛母
病方在牀沉痾慮弗起女心益徬徨衣帶肯暫緩湯藥先親嘗
中庭月色靜盥手夜焚香誓願以身代默佑祈穹蒼胡爲天不

五言古詩卷一

七

弔萱花萎嚴霜依依寸草心碧悴幽蘭芳相依實同命母亡則
俱亡阿父因見疑密令時閑防奄忽百日盡慈顏永相望一棺
寄蕭寺風雨鴟叫狂總帷黯燈影遺挂增悲涼願言攜阿妹偕
往奠酒漿哭聲出庭樹一一驚鳥翔浮圖矗霄漢金碧輝斜陽
拾級登絕頂呼籲排天閭風吹塔鈴語如聞聲喚孃瞻雲向空
拜四顧塵沙黃縞衣忽飄舉一落千丈強相隨婢與嫗下塔走
且僵女也獨趺坐解脫散花場蓮波浩如海接引來慈航依稀
見阿母相攜入冥鄉含笑目乃瞑魂氣何茫茫嗚呼再割臂至
死仍裹創遺箋出袖底慘淡墨數行上慰伯與父勿爲兒感傷
兒今依阿母此志幸已償下言囑阿妹侍養汝所當晨昏奉甘
旨勿離阿爺旁凡此泉下心宛轉都難忘阿妹讀未卒酸淚盈

兩眶哀感動行路聞者涕以滂州人悉死狀累牘陳封疆大府
遂所請入告馳飛章 聖母褒其賢特旌孝女坊紀事載歌詠
篇什多琳瑯我愧非史筆未必能闡揚但看綽楔榮足爲邦家
光皖山鬱崔嵬皖水恣汪洋千秋此孝烈山高與水長

壬午上元夕讀王可莊學使

仁堪

和韻詩卽次原韻呈教

燈市何喧闐兀坐但低首感動時沉吟亦如愁思婦歸耕十年
遲苦無負郭畝樓煩古邊郡一麾慚試守屬縣多花田亂苗實
惡莠緣病得固辭曠官顏益厚抑鬱語向誰逢場總箝口詞宗
舊相識景仰若山斗持衡來晉邦多士資啟牖天涯眼獨青依
依眷新柳入坐春風和頓覺寒消九略分尊則忘論交淡彌久
所愧樗散才難當斲輪手西齋屢造謁叨陪新歲酒老梅香正
濃祝公無量壽開向百花先和羹期日後而我獨何爲塵俗事
抗走抗走且未遑奚暇謀不朽

可莊殿撰原作

爆竹動天地蕭齋知歲首破寂思酒朋止饒問廚婦蠶帆
與蠓山奇嗜話鄉畝如何無蟹州乃有監官守豈惟臭味

殊一望淆蘭莠衣冠襍穢場交情孰薄厚五馬報君來倒

屣開笑口

謂林星北太守

真率饌五簋盡歡酒一斗同里二三子

鄉音達戶牖深屋頓生溫春火徹榆柳少長娛新年何似
永和九人海暫相聚趣乃逾於久馳驅役吾形案牘楷吾

手宦味較濃淡斟酌杯中酒酒酣能高歌持作當筵壽情

誼醉愈真惆悵醉醒後漫云人事勞雙九日夜走及時適

其適大笑齊榮朽

疊前韻再呈可莊殿撰

高吟五字詩歎服真顏首我未工效顰竊比村野婦硯田况已
蕪刈穫邊計畝幕府皆名賢經畚堅素守萍聚值河汾蘭言闢
蒿莠永締知己歡益承主人厚鳥亦懷好音花都開笑口官齋
屋數椽容膝小於斗舊雨聯琴尊春風拂軒牖客有沈東陽腰
瘦如病柳此老今耆英不數香山九謂沈仲玉清談雜諧謔畢景坐
忘久我乏著作才敢抗驪壇手許參末坐茵共醉元正酒願持
柏葉觴躋堂介眉壽公門桃李多被澤常恐後我亦欲追隨負
笈疲奔走大厦儻庇寒幸勿棄庸朽

可莊殿撰疊韻見贈作

五言古詩卷一

九

幕府溢天地世外獨昂首傑哉劉伯倫醉死不聽婦男兒
鬱奇志蝮曲恥棲畝刺毛甯求榮衣緇匪易守張目瞻八
紘莽莽半榛莠叱馭上畏阪眷世情何厚憶昔識君初快
決戀河口滑稽動四筵盡醉無石斗禮法非我設名言若
天曠時復發浩倡高調壓秦柳如何十年別意氣減八九
一曲勺湖波語我懷歸久爭劫觀奕棋推枰起斂手得意
詎忘言獨醒思止酒千秋梁棟器偏說不才壽爲君進一
觴一語申其後俊翻不忘鸞逸足不厭走偃蹇老空山只

合讓榜朽

贈汾州林星北太守

拱樞

三疊前韻

彼汾人士多望君日翹首翩然五馬來歡喜到童婦勸俗先耕

桑課勤在隴畝能免饑與寒不改廉平守良苗各懷新務盡去
民莠非關政令苛端由德意厚襦袴成謳吟嘖嘖傳眾口我愧
百不如祿亦竊升斗案牘殊勞形何如讀書牖詩吟眉山蘇詞
倚屯田柳尊前幾同調飄零念黃九謂黃子鴻和靖君前身湖山別
已久早存濟物心且試爲霖手與君兩世交交味濃於酒重續
翰墨緣永固金石壽梅鶴待歸來相期十年後我亦思尊鱸便
擬抽帆走何苦似勞薪風塵惜摧朽

小病書懷四疊前韻

春多料峭寒不覺風中首三日房帷閒閉置如新婦菘韭憶鄉
味煙雨夢園畝莫笑太守饑清貧肯易守百僚愁積薪眾謗任
讒莠但遇新知疏彌感故交厚時流忌獨醒且適銜杯口病肺
非無因戒母飲至斗藥銚香正濃皎皎月窺牖弱質嗟飄零先
秋已蒲柳生平拂意遭十事恆八九安能老風塵鬱鬱此居久
亟當整歸鞭馬上揮手天與舊湖山尋詩兼載酒永結鷗鷺
盟同齊猿鶴壽休憚行路難預想還家後甘爲汗漫遊肯逐利
名走行樂須及時此樂或難朽

憶江上草堂五疊前韻

風塵三十年焉得不皓首鄉愁爾自縛弗勞蠶家婦我家舊草
堂種竹三五畝涼陰拂庭除清况鶴同守有時鴉鶩攜蒔花亦
鋤莠舊雨期不來苔衣一尺厚石田硯可耕妻孥足餬口胡爲
甘折腰竊此米五斗萍迹何所歸蓬衷孰爲屬緬懷和靖梅眷
念淵明柳一官歸去來何必待秋九此計仍跲蹠忽忽歲已久

準擬弄扁舟料理持竿手寒江釣雪天得魚快沽酒飲酒還賦
詩持作老漁壽詩酒劇風流肯落他人後高枕卽吾廬浮生笑
爭走慎毋隳令名草木同腐朽

榭山大雲寺齋堂小憩

殘僧只兩三導我來雲房清磬時一發滿院松花香掃葉試煮
茗石泉甘且涼茲遊亦已倦偃息支公牀夢陟翠微頂下界殊
蒼茫碌碌名利心到此都可忘

天外樓凭闌眺遠山雨欲來惘然而返

涼雨忽飛來松風滿高閣急取下山路雲冷衣裳薄茲遊何草
草貽誚到猿鶴要知留有餘不可極其樂山靈儻庇余從此健
腰腳輕攜一榭春不爽再來約

五言古詩卷一

十一

留別榭山

昨訪榭山來今別榭山去來去如浮雲無心隨所遇譬若良朋
儔蹤迹等萍絮分手卽天涯有散乃有聚命駕思古人不憚千
里路茲山况咫尺登臨亦跬步惜別留小詩左券已先付回首
隔重雲相思黯紅樹

丁亥上元夕曹小芸明府

錄

以詩見貽卽次原韻奉答兼

東陳子闕司馬

大受

不願爲熱官亦如憚長夏玉壺動簷冰心清政多暇良友共盤
桓盍簪得休假梅花年後開穠豔未凋卸寒消酒一尊風雪上
元夜新詩先頌椒老境共啖蔗我尤耽醉吟狂言醒可怕君獨
許我詩纈密無縫罅我愧乏佳句敢凌鮑與謝衙齋八九椽蕭

蕭竹環舍話舊時剪燈渾忘漏三下天涯有故人誰識陳驚坐
詩以窮愈工得句相慰藉論交翻恨遲回首相逢乍休看白
髮生待滿青雲價放眼海天寬快覩鯤鵬化

寶霑甫比部

淮之

主明道書院講席三年矣時將服闋北

上無期以詩見貽賦此答謝

寶子才縱橫云自浣花老吾於君亦云才華麗蘭藻憶昔識乃
公冠裳集寶僚根柢茂詞林風雅霽鸞矯君秉義方訓學業已
深造甲科復大闡西曹致身早翩彼翔風翰歸飛故林杪三年
廬墓心淚盡祥而縞君家楹山下茅齋付榛草談經一席高傳
薪緬明道我來領邊郡太行自環繚講藝重名山相見卽傾倒
風雨時過從論文煮清醪我獨困詩酒去道益茫渺而君謂我
詩可以凌庾鮑聞之愧汗零詩豈易云好近代名家流雕鏤極
文巧偶爾抒性靈塗抹輒棄橐何如擁皋比墳典日研考弟子
六七人詞源窮浩浩修書坐宵分燭光奪蟾皎時或發清吟風
籟助寒篠勛哉青雲期夙昔宏遠抱東華十丈塵歷歷記鴻爪
胡爲守舊畦霜味菜根齧乃知君平生志不在溫飽

題陳子閱

大受

我我周旋圖小照

論交三十年詩朋亦云夥同調能幾人至今席虛左我昨來丹
川好客近稱頗造訪竟得君倒屣忙忽跛孔李普通家門闕仰
嗟峨乃公出守還人生貴五馬君才尤不羈欲行仍跛駢明珠
肯暗投空懷夜光顆荏苒曾幾何流寓日因坻我嗟長病貧豈
暇急相阿君言友道衰人心測誠叵乞米枉裁書都成虛發箝

蔣徑倏又荒園扉綠苔鎖此實先人廬徙居聊遠禍舊巢雖已

空幸猶未破卵然觸堂構心深愧弗克荷聞此恰以悲我心自

揣揣莫如還歸君風雨保傾侈諸郎弱而立幼女瘦且櫪輕移

八口家庶暫息勞瘴長物滿牀書高下成堆棗棗琴枕閒位

置俱帖妥有子能文章有婦習春籛孰云貧而樂未若富而哿

高眠懶是真日高頭未裹暇輒過我談髡智同炙輠尊前老畫

師謂裕
嘯農健筆含婀娜貌君成茲圖知君寧作我况以彼哉彼烏

足道瑣瑣縱或爾爲爾若將挽袒裸揮手謝時輩閉口免叢脞

我與我周旋無可無不可君家陳無已兀兀閉門坐每當風雪

晨索句苦無那圖中曷補吾圍爐話燈火吟詭兼褻譏酒狂各

喧歌霜月知人心盈空澈塵堦劇談忘夜深忽已玉蟾墮走筆

五言古詩卷一

爲此詩博君笑齒嗟得毋笑鄙人今之由也果

壬辰除夕飲酒薄醉取賀展如明府榮驥詩豪讀之率爾

成此卽貽展如索和

今夕復何夕北斗同寅杓家人理歲除紅燭雙高燒爆竹動天

地市井同一霧千門萬戶春神換新符桃清貧老病守人海浮

生僑攤書兀低首鬱鬱殊無聊宦味較濃淡斟酌壺中醪飲少

已薄醉懶頌辛盤椒草草饌五盞且學髯蘇饜雖非肉食相一

飽空寒庖投筯奮然起吐氣虹成橋詩城百雉壯坐嘯容吾曹

此中有真契論詩如論交風塵四十載知己何寥寥邂逅得賀

老同官今爲僚循良吏乃最跌蕩吟尤豪肯爲五斗米遂折詩

人腰第苦歲荒歉頓竭農田膏濟時實藉手拯此哀鴻啓催科

政自拙撫字心偏勞舊都值衝要粵稽古帝堯君來宰茲土四
時風雨調臘前見三白潤澤宜芄苗衢童及壤叟民俗成歌謠
沔彼汾水曲萍蓬隨所遭明年在何處念此心焉切馳暉急奔
箭白髮都飄蕭光陰惜蔗尾消息通梅梢守歲寒不寐時復殘
繫挑君詩忽在眼光彩誰能韜快讀技頗癢欲倩麻姑搔知是
舊時作皖會恣遊敖江山助文字一禿千冤毫詞宗雅憐才幕
客多枚皋相如適後至居右仍髻髻高談極歡讌莊謔兼風騷
登茲大將壇戰與羣雄鏖正音發漢魏遠軼唐宋朝自非學力
厚安得神理超管窺豹一斑更覘三鳳毛謂芥孫三昆仲傳詩本家學
亦復才氣饒朋簪喜暫盍官閣琴尊邀我愧乏佳句引玉孰先
拋紛紛辱投贈不惜瓊與瑤忽憶賈浪仙一字嚴推敲酌詩補

五言古詩卷一

古

精神歲歲當今宵我曷援此例縱酒枯腸澆正旦待朝賀漏盡
雞三號詩成一笑擲馬亦喧空槽起視天宇廓落落明星高
展如和作

昭陽貞鳳紀淑氣迴龍杓扶桑日初紅光燄燭天燒朝正
眾官集衢巷鳴珂囂 慈寧慶周甲王母新獻桃公卿盡
夔龍牧守皆矜儁微官逢 聖世敢云不自聊遠山明積
雪無由攀林椒差喜春盤暖已解寒風饗賜詩勝侯鯖飽
飲大官庖公家古京口宅依丁卯橋嚶鳴賡伐木歲晚求
其曹簿書肯深責吟詠時下交鯨鐘偶一鳴響振空天寥

縱橫五百字勇過熊宜僚自謙同島瘦真足當韓豪平生
耽著作汗漬羣牛腰一麾旣出守兩郡欣流膏臘雪兆豐

稔比尸無饑罄但說民風厚誰知太守勞漢家重循吏刀

筆參趙堯自非法網寬安能玉燭調鴉音變食黷蝨賊無

傷苗遂使與人誦重歌康衢謠非材理煩劇乍苦夢絲遭

矧值歲荒歎彌覺心鬱切刑名師吏人違論管與蕭區區

救時心蒙收爨尾梢上考書不惜新篇戰屢挑殷勤做帚

索猶恐處囊韜垂老荷深眷燈前首重搔誓心爲廉吏肯

讓孫叔敖歲首稀官事深夜拈吟毫卻憶江淮遊早遇九

方臬謂安徽學政景劍泉先生名區富山水嘉賓羅俊髦流光感迅速

舊夢成蕭騷誰信半卷詩曾作堅城塵惟公負巨眼漢魏

迄六朝支分與流別辨論常超超時賢競聲韻徒獵皮與

毛要關根柢厚漫誇才思饒自從侍几席良會蒙招邀文

五言古詩卷一

章兼政事駒隙寧輕拋除夕發清興明星爛璇瑤爐温鸛

波活漏轉量更敲千金爭一刻百歲幾良宵擘箋錦繡燦

盤胸塊磊澆公然老鳳聲咎此寒蟲號銀蓋屠蘇酒金屑

琵琶槽歡頌昇平樂屏翰祝嵩高

步和吳春海太守鴻恩登太行詩四十韻

太行互邊郡翠繞詩人腸煙雲杳靄間竹樹成山莊翩然五馬

出行部甯或追仁風所播處寒谷同春陽暫稅林下鞅振衣登

崇岡山泉飲一掬心境都清涼賢守半詞客足增壇坫光况公

早通籍轉秩任風霜一磨初拜命出守樓煩鄉時艱關百慮

鬚髮颯已蒼桐封首煩劇領袖殊堂堂政暇手一編不歸燕寢

房文筆久鳴鳳協律時會昌得句極神妙毫端窮微茫雲霄罕

盡程高翮且迴翔，淺澤鬱形勝。何地非巖疆，側聞頌聲作。比之
潁川黃，醜綱日頽靡。豸節專巡方，萑苻盜正多。亦曾嚴籌防，安
民重察吏。激濁清乃揚，昨歲復苦旱。時塵農事傷，和甘默感召。
益覘漢庭良，邠黍喜芄茂。豐年歌穰穰，凡茲德澤被。黎庶烏能
忘，我亦典斯郡。雞肋味已嘗，每當秋風起，便憶萹鱸香。抽帆儻
歸去，永息波濤狂。謀生舊硯田，筆耨無歲荒。幽蘭在空谷，誰信
余懷芳。獨有陳無已，出處同斟量。謂陳子闕閉門二十載，才大用未
彰。深談輒傾吐，肝鬲無留藏。君亦雅憐才，契洽非泛常。詩筒互
響答，鬪韻豈恃強。聊以消永日，且樂閒中忙。揮灑弄柔翰，挺特
逾堅剛。相期結吟社，各自有柴桑。何日遂茲願，欲歌不成章。公
等五言作子闕亦有和詩標格漢河梁，裁箋附雁使。目斷關山長。

五言古詩卷一

去

前詩多未愜意，再次原韻寄春海。

觥觥延陵公，忠實無他腸。面兼春秋氣，色溫而語莊。公才不自
矜，欲然如未遑。公望重當代，如宋有歐陽。文瀾何壯濶，上軌劉
黃岡。詩境何沉雄，長笛吹伊涼。偉哉燕許筆，蔚爲邦家光。公昔
居諫垣，風骨挾秋霜。驄馬警豪貴，直聲滿帝鄉。銀手信如斷，
金心彌老蒼。桃李盈公門，祁祁登玉堂。禮經授曲臺，易義傳京
房。北面半金貂，河汾教益昌。賢關篤踐履，理窟窮微茫。餘事偶
臨池，墨妙驚鸞翔。儒林與循吏，合傳難分疆。潼澤古名郡，控馭
資龔黃。治行頻報最，取法來四方。固園先誌戎，按部嚴邊防。太
行一登眺，高詠聲清揚。成瑨政多暇，坐嘯庸何傷。游刃綽有餘，
遷地乃愈良。民氣胥和樂，年穀欣豐穰。治譜辱遠貽，服膺無時

忘惠等百朋錫味幸一嚮嘗想見章蘇州燕寢凝清香茲復寄
新詩開函喜欲狂春風吹柳雲不棄荒僮荒從此石交重劬比
蘭言芳我愧瓦缶鳴云胡不自量顰效東家施厥醜乃更彰寓
書屢促和未許蚩儻藏焚硯羨君苗開筆愁元常譬彼邾莒弱
敢敵齊楚強豈復待交綬棄甲先奔忙鉛刀縱一割甯同百鍊
剛醫俗苦無術安得逢長桑柄管重腳踏遲遲慙報章勉爲下
里吟操絃隨瓠梁終恐深源文難獻劉真長

和賀展如明府食筍詩仍次山谷韻

讀君食筍詩佐我下酒菜秋風思葷鱸肯被羈宦賈君本四明
狂屈爲百里宰同嗟時會艱莫挽世風壞鳴琴政偶暇日償幾
詩債窮搜冰雪腸不少留蒂芥貓頭熟更香加餐勝鱗介我聞
垂饑涎硬句苦難噉兀坐幽篁軒吟風舒抑噫草草裁和箋鄙
俗無可采

五言古詩卷一

七

思歸一首再寄賀老仍次前韻

我家勝湖濱漁鄉足鰕菜小樓聽雨晨杏花到門賣

楚陽舊居曰勝湖草

堂中有杏花樓破寂來酒朋止饒問廚宰滿沾玉壺春斟酌殊弗壞自

被風塵羈久負雲水債同舟得賀老宦迹等浮芥早知柳下賢
三公不易介示我食筍詩味幸一嚮噉曷賦歸去來共發秋風
噫相約菊黃時醉向東籬采

展如原詩五首同蔡輔臣大令作

我本山中人種竹如種菜不負將軍腹疑把此君賣肥劇

貓頭烹美逾羊腔宰日參玉版師聊學僧衣壞書生食料

薄百糶寒菹債幾載
飢官廚腥羶難鍼芥
春衫端欲脫蕭然
柳下介千畝小渭川
萬竿供一噉敢比季
鷹賢不作伯鸞噫
小詩君勿傳味苦無
人采

胡盧宰相羹蔓菁諸
葛菜誰歟飽堂餐甘
把盧龍賣荒廚久斷
肉食單議膳宰筍肥
刷卽烹時過味妨壞
居然饌玉奢似舉萬
錢債北客嗜腥羶大
餅捲蔥芥當筵憶此
君風味和而介縱注
萬羊籍終歸一貉喙
鄙哉饕餮徒不值斗
筍噫醉語吐槎枒菲
葑儻或采

今年麥有秋窮黎色
猶菜感此不能養忍
學狙公賈終朝敲菜
根同心得賢宰尙嫌
暑雨多未妨罵粟壞
民願樂輸租吏貧或
負債窮奢事燔炮苦
筍荊辛芥去毛拗項
蒸風節同一介退食
成小詩至味堪咀噉
早飢櫻筍廚肯作風
塵噫幾月不見君懷
哉艾蕭采

五言古詩卷一

漆女恤園葵終年不
厭菜東陵飢侯鱗失
勢種瓜賣世事多反
覆流涕籲荃宰覆餗
遇鼎爻其占折足壞
千里時糗糧僅償窮
帥債餒而彼不憂毀
家吝銖芥野葛啖尺
餘車前士盡介但恣
鐘鼎豪甘奉虎狼喙
間閭困誅求怒激風
雷噫投箸對盤餐尸
素慙服采

鄙哉肉食徒病於夏
畦菜使君節森然豈
爲一官賣耽吟嗜大
蘇戒殺厭烹宰愛茲
筍味甘不許園丁壞
膈熊與嘗窟口腹成
業債方丈羅珍羞視
之猶土芥念我臭味
同時頰馳一介舖吸
想風流定非俗客喙
祇慙窮杜陵每飯氣

先噫誓將攜長鏡黃獨雪中采

韓二州明府

仲荆和作

山城喜雨足野田發新菜田父識縣官自向縣廚賣昔聞
削木謠期不對官宰茲何獨不然純古良未壞自慙骨相
薄日食只薑芥儉腹豈云廉差可免稱債湟池正弄兵海
波沸鱗介猶想及太平大酺共一噫官閒固可欣時危亦
堪噫故山薇蕨肥行矣吾當采

五言古詩卷一

九

題謝山

題謝山詩賦

題謝山詩賦

題謝山詩賦

題謝山詩賦

卷一

水流雲在館詩鈔

丹徒 周天麟 石君

七言古詩

得成芷青表兄沂書賦此答之

秋燈作花小於粟四壁蟲聲吟斷續孤懷騷屑誰與論失喜故

鄉書到門披緘展翰色黯淡雙鯉幾爲蛟龍吞

寄書人行次袁江舟破書札盡

溼燕臺送君越一載露白葭蒼時節改別來意氣猶縱橫詎容

高卧歸柴荆若令投筆贊戎幕定隨飛將收櫬槍即今風雨數

椽屋自賞孤芳寄空谷同心况有素心人翠袖天寒倚修竹

謂君

新得姬人我愧羈棲百不聊打窗落葉風蕭騷二千里外感存問古

誼深情溢方寸入世難容阮籍狂憂貧怕說相如病逢迎到處

七言古詩卷二

一

羞黃花日日長安賣酒家尊前偶一念知己不覺聚散如搏沙

十年燕雪認鴻爪低首名揚共潦倒古錦終輸花樣新焦桐每

歎知音少萍蓬蹤迹隨所遭思君不見心徒勞裁書未竟作長

句知否離魂黯雲樹

歲暮與新甫兄飲酒話舊述懷

弟兄一別二十年鱗鴻消息殊茫然故鄉欲歸吾屢延魂夢時

爲雲樹牽昨歲兒忽來遊燕朔風初卸征塵驪披裘出晤喜欲

顛客中聚首甯非緣歲暮共此燈燭筵一尊對話離愁捐夜深

風雪欣牀聯醉攜大被同高眠我自慙愧非阿連每勞詩夢池

塘邊夢中詩意增纏緜感此但覺心肺鐫吾宗推子豪且賢風

流才調真翩翩曾中積軸富五千一軍初冠疇比肩斑管欲爭

江花妍興酣詩思如湧泉長句風格追青蓮不獨酒仙詩亦仙
惜哉時命何速邇一貧室如磬孤懸家無長物惟青氈故紙砭
砭窮鑽研兩度射策金臺前命中之技楊葉穿誰知難奪造化
權一科潦倒如登天天涯落拓閒吟鞭賣賦儘足償酒錢崢嶸
傲骨窮益堅俛首肯受庸人憐故交雖在如秋蟬浮雲富貴風
中鳶俯仰身世多煩煎始知識字憂患纏嗟予躁進策未全農
曹竿濫慙冗員饑鳳文采黯不鮮安能飛陟蓬山巔暫賃春明
屋數椽軟紅十丈車喧闐何時同刺江南船一官許賦歸來篇
負郭但買二頃田結廬靜處安且便手植萬个琅玕圓階下流
水鳴琴絃秋燈一絢手一編與子同參文字禪百年歲月將終
焉名山著述千秋傳吁嗟乎名山著述千秋傳狂生妄想如冰

七言古詩卷二

淵

查如江

光泰

屬題拜柳揖梅圖

如江倜儻未三十意氣公然橫九洲由來萬事不入眼睥睨直
欲輕王侯咄哉天不令君射策黃金臺一試萬言倚馬之奇才
又不令君投筆贊戎幕早隨飛將迅埽檣槍落胡爲乎手版踟
躕趨風塵爲貧而仕仕更貧始知才大難爲用不惜官卑累此
身此身雖被微官縛吏隱襟期殊落落抗懷直欲希古人自待
如斯良不薄在昔曾傳柳下賢風流梅尉真神仙卽今追溯有
餘慕瓣香低首心尤虔我與君交結深契覽君茲圖識君意丞
尉官閒去就輕那復櫻心名與利况今滿目皆兵戈宦海平地
多風波萍蓬蹤迹本如寄俯仰身世空悲歌歌我詩飲君酒只

須明月當頭杯在手何必十萬纏腰印懸肘會當十洲三島同
遨遊魚鰕麋鹿皆吾友不然結廬風雨住名山共翦秋菘及春
韭歲月有暇且著書留取千秋名不朽

劉容村丈

春宜

命題小照已賦呈五律三首復爲九言體

寄懷以當話舊

昔時見君記我方髫年我家與君同居勝湖邊衡宇相望不過
數十武竹籬茅舍隱隱相鉤聯吾父與君少小卽相識十年硯
席辛苦同鑽研吾父掇科本無出山志仙人招手直上蓬萊巔
詎知蓬萊雖到不久住一官淪謫遠賦歸來篇庚子仲夏別君
去梁苑炎風溽雨初卸蒲桃羈流光冉冉屈計甫一載乾蔭一
失使我悲煢然全家流寓欲歸不可得辱君存問寄我雲藍箋

七言古詩卷二

三

情詞悱惻豈惟溢楮墨一字一淚真令心肝鐫如君古誼當世
誠罕得交深兩世夙具三生緣君嘗謂我才如不羈馬青雲有
路直上看聯翩誰知驂騑失足與眾伍祖生鞭策竟讓他人先
低頭兀兀日坐軟紅底不覺孤憤齊向吾膺填鄉書迢遞幾時
到鴻雁家山問隔千里愁烽煙西風昨夜忽動季鷹感莼鱸味
美思刺江南船丈夫出處何必定軒冕高人蹤迹大半棲林泉
何時與君風雨共晨夕一尊話舊十斛離愁捐今君寫照索我
賦長句誇我詩筆清健追青蓮我愧心源已涸等廢井斑管一
禿不共江花妍想君此圖寄託有深意槃阿寤寐直欲希前賢
芒鞋竹杖泉石恣探討候蟲時鳥情事隨推遷不衫不履意思
自蕭散此君或者疑是餐霞仙有時把卷欣然便忘食苦吟入

定跌坐如枯禪况有奚奴抱琴立君側秋林獨往時一揮朱絃
稽羊遺韻當代罕同調高山流水此意無人傳侯門新聲甘讓
別人奏橫軫三尺且向桐陰眠草堂歸臥平生願亦足天生傲
骨肯受當途憐湖山載酒佳約果能踐追陪杖履當與君周旋
題君此圖寫成六十字狂歌擊筑意氣凌幽燕是時雞聲膈膈
夜方半起視明月星斗橫霜天

節烈方宜人詩爲張裕之大令

其見作

池之水清且深中有節烈一片心池之水清且潔中有節烈千
秋血千秋血一池水萬劫開作蓮花紫聞者爲之歎不止世間
那有婦如此婦父明經方其氏姊弟二人母氏李十三習女紅
十四通文史踰年十有六遽悲失所恃弟方襁褓父垂老賴女

七言古詩卷二

四

晨昏奉甘旨父之愛女勝愛子父爲相攸先相士相士果屬誰
乃得張裕之裕之才如馬不羈少年風骨尤清奇以女妻之無
然疑惜哉相如貧莫支賣賦弗療衡門飢少孤爲客婚宦遲至
二十四始結褵結褵未三月欲賦遠別離郎悲撤琴瑟妾忍炊
屢屢男兒當有四方志胡爲沾沾兒女私子能負米貧亦好無
米爲炊婦非巧菽水但博堂上歡萊綵還期膝前繞今暫違膝
前寂寞愁衰顏連宵治行裝盡質釵與環勸郎當早行望郎當
早還不惜離別苦但憂道路艱郎聞此語淚暗潛明知此別非
人間飢來驅汝去何處黃塵抗走夷門路可憐反哺有慈烏日
夕啞啞繞庭樹妾奉姑代妾夫食妾哺行妾扶內顧之憂庶幾
無願郎慎保千金軀妾身閨閣心江湖江湖滿地鯨波惡萍梗

隨流無住著此日吹臺轡暫停何時白下舟重泊日日盼郎舟
妾心江上頭江頭鬼哭聲啾啾但見滿眼烽煙稠烽煙稠非所
憂但憂孀姑今白頭白頭有兒仍遠遊思兒忍見雙淚眸妾亦
有淚不敢流更覺摧裂肝腸柔腸摧心如灰柔腸裂心如鐵
嚴城儻不保有死無二說城中缺食炊煙稀姑將攜妹依阿姨
謂婦有父鬢已衰女當歸侍母暫離凡此憐恤皆姑慈感此淚
落如練縻含悲不忍歸姑命難故違拜辭出門去宛轉將何依
依依復依依不離父左右父本深愛憐顧復甚慈母相依爲命
苦不久賊眾狂呼城不守城不守兮命一絲父視女兮心傷悲
父心傷悲當爲兒聽兒長跪前致詞兒雖未讀書與詩凜然大
節能無虧願先父死憾弗遺父聞女言應解頤旁觀僕與嫗視

七言古詩卷二

五

守涕泗洩女志旣不移莫如竟成之傷心掩面救不得回看躍
入園中池桃李容顏松柏姿睨而弗視甘如飴甘如飴不言苦
來者今往者古古今偉丈夫節烈指可數不謂巾幗中居然獲
死所女死父收葬父死女得長依傍正負池邊土一坯門外賊
眾紛紛來明經罵賊節不屈父兮女兮志如一急赴池中命同
畢癸丑二月二十七僕嫗倉皇夜潛逸死事情形備能述死者
不可生者難爲情裕之時猶客汴京天涯一慟生欲輕轉念
此生不可輕慈母弱妹俱在城賊中消息難遽明婦骨未收魂
未甯遂乃發憤請長纓十年殺賊功早成竟以寸祿叨 恩榮

慈母弱妹得間出惜婦未見夫成名昔日微之今裕之俸錢空

擬齋莫營秋宵燈底百感集裕之有秋宵集感圖徧徵題詠彷彿幽魂來爾室

鉛水汎瀾淚和墨有夫能文紀其實紀其實銘厥阡文章合共
貞珉鐫悠悠歲月忽七年常恐此事湮弗傳幸逢劇邑事暫權
乃得請於中丞嚴嚴渭春中丞樹森疏請旌表中丞聞之肅然起臚陳事實
告 天子 天子下詔旌其賢烏頭綽楔魏煥然方氏女張氏

婦至今嘖嘖在人口節烈如斯真不朽嗚呼節烈如斯真不朽

九日趙雨生

作霖

招飲持螯賞菊座中張學坡明府

堯陳

容叔孝廉

延益

子紱三弟與余凡五人卽席賦此

手不能持鞭與刀上馬殺賊搥旗旌又不願持版與牘摳衣跼
踏趨官曹秋來兩手閒不得右持酒杯左持螯况值重陽好天
氣晴日杲杲風颺颺城南吹臺盛遊宴奔忙懶逐車塵囂催租
扣門敗詩興有句那復能題饅年年佳節總孤負低頭兀坐勞

七言古詩卷二

六

心忉良朋知我食指動爲言肥蟹來漁舫登樓召客發清嘯江
鄉俊味尊前叨和醯鳴薑咄嗟辦酸辣下之以香醪尖團入手
喜同擘驅役十指甯辭勞分肌堆貶白玉液傾筐滿風黃金膏
奮衣撩袖成大嚼爬羅剔抉窮纖毫座中飲者誰最豪學坡饒
沫真老饕有時嬉笑雜怒罵快似癢得麻姑搔獨有容叔淡如
菊雅契擬結淵明陶主人倚樓有長笛臨風恍若聞雲璈吾弟
識曲許同調曲終不覺霜月高酒酣停杯忽不樂是時羣盜方
如毛江湖何處稻梁足忍聽滿地哀鴻磬丈夫治世苟無具不
如歸臥秋江阜安能鬱鬱久居此苦吟祇類寒蟲號詩成擲地
吾已醉打窗落葉同蕭颯

戎帷寒夜用東坡聚星堂雪詩韻

空庭老樹禿無葉，墻下平堆三尺雪。養疴十日不出門，刁斗聲中坐愁絕。磬鴻滿地聽欲哀，凍雀翻枝防忽折。藥銚細煮香正濃，燭淚低垂燄將滅。功名三十心漸灰，憂患千端肘頻掣。離懷瑟縮懼寒威，客况蕭條鬪冰纈。惜無良友倒深卮，那有清談霏玉屑。梅梢春色已欣賞，蔗尾年光感飄瞥。相如貧病應自憐，子美呻吟共誰說。雞聲喔喔宵正中，抱被僵眠冷同鐵。

題徐春癯明府

光第

詩集後

十年耳熟詩人名，末由良覲心先傾。去秋洛下偶相值，一見歡遂如平生。哀然大集出示我，果然格律高且清。攜歸燈下讀未卒，珍同拱壁藏行滕。相見恨晚別太速，惜未常得陪酬賡。山川迢迢音問缺，雲樹黯黯魂夢縈。今歲高軒忽枉過，倒屣出晤喜

七言古詩卷二

七

不勝論詩促膝坐，移晷玉屑霏霏時。暢聆秋宵伴我惟孤檠，蕭蕭落葉風撼櫺。重把君詩百回讀，不管霜月沈三更。朗吟擊節聲出屋，長空疑有孤鶴聽。知君刻苦三十載，始不愧以詩家稱。詩以忠孝作根柢，義兼風雅賅羣經。韓蘇大篇學力厚，李杜萬丈光芒騰。當其構思極慘澹，故能放筆爲縱橫。沈雄排奰實天授，夫豈人力能強爭。有時造意入微渺，游絲舒卷風中輕。有時揮灑極豪宕，腕底恍若驅雷霆。又如龍叟吹鐵笛，穿雲裂石多奇聲。又如水天鼓瑤瑟，淒淒怨彷彿來湘靈。壯志憤怒擊哀筑，幽思嗚咽調夜笙。苦吟瑟縮感秋蟀，巧語圓滑調春鶯。自非天才具神力，那克包舉眾妙并。使我歎服首至地，甘讓君主騷壇盟。君言作詩亦小技，主奴出入徒相凌。丈夫讀書貴有用，詞章之

學焉足矜我聞此語心佩銘抱負益足覘生平少年作賦貢
殿廷千言藻富東西京巍科一得聲價重才名傑出誰抗衡此
才原合棲蓬瀛迴風偏阻仙楂乘卻教腰笏親吏事爲慈父母
蘇疲氓浴陽三月花滿城兒童竹馬爭歡迎下車先詢疾與苦
敦俗時勸桑與耕有弊必除利必興有善必勸惡必懲溫柔敦
厚本詩教以詩爲政政早成天中雄鎮首嵩嶽惟君詩骨同峻
峭黃河之水瀉千里惟君詩魄同淵澄况君作吏廉且明報最
允宜上考登奈何才大眾所嫉讒言忽爾來青蠅吏議一罣罪
難白翩然解組夷門行陶家三徑訪松菊吳中一著思蕪羹旅
懷抑鬱向誰語閉門終日吟離蘅得失寸心頗自喻風濤過眼
惟暗驚吾儕進退要不苟悠悠之口安可憑尊前同調不數子
偏獨與我交忘形我詩不工君亦愛竊恐阿好非定評獎掖後
進固如此佳句况更貽百朋厚期逾分懼終負念之愧汗常數
升感君真意發狂詠積憤一銷如解癥以詩爲贄儻見許名山
負笈吾猶能

次王子嘉雪後詩韻

寒鴉瑟縮風怒號俯仰身世嗟蓬飄天公偶以玉爲戲半空蹴
踏翻銀濤年光一瞥已燕尾春信幾日遲梅梢吾家但有四壁
立念此不覺心旌搖胡爲一寒徹肌骨磨穿鐵硯冰生坳太息
馮生有長鋏疇憐范叔無絺袍新詩入手清且超讀之頓釋心
煩聾報章愧之瓊與瑤莫使酒盞當前拋攜筇徑欲凌山椒豐
年有喜占禾苗雞蟲得失隨所遭爭趨若鶩非吾曹賞音待寄

千秋遙孤桐絃磴難爲調奚囊富有佳句饒詩成笑傲霜天高
此時冰阻寒江潮更見雪月輝相交瓊樓玉宇不可極俯視下
界皆蓬蒿乾坤一白浩如海放眼直欲窮織毫

聞子益明經

爾謙

屬題冰天出塞圖

聞子卓犖人中英少年挾策遊燕弁一科潦倒遲登瀛文章敢
與造化爭是時邊隅方用兵賀蘭山下多連營朔風吹裂悲笳
聲征人怨別難爲情君也投筆萬里輕發憤走請長冠纓寶刀
日夜腰間鳴誓將直掃烽煙平陰山積雪旌旗明交河一綫相
迴榮關月皎皎疑寒晶橫戈躍馬冰天行天威計日收樓槍
但看草檄行間驚不獨書記才縱橫軍諮料敵功先成嗟嗟聞
子卓犖人中英籌邊莫漫誇班生

七言古詩卷二

九

題汪秋潭司馬西湖垂釣圖應家式如比部

景曾屬

我聞越國范大夫扁舟載酒遊五湖又聞唐時張志和釣徒雅
自署煙波乃知古來隱君子寄託深情類如此君本桃花潭上
人廿年吏隱明湖濱濟時得試釣鼈手烹鮮妙技今無倫牧人
魚夢占豐樂涸鮒全蘇免溝壑懸庭早見長官清霄肅還懲末
俗薄棠陰惠澤方覃敷季鷹忽復思蒹蘆爰從濠濮觀魚想寫
出西湖垂釣圖覽君此圖識君意料理綸竿寓遊戲忘機偶狎
鷺鷥盟回首重尋釣遊地我亦江湖落拓身鯨波滿目真愁人
扁舟儻許從君繫流水桃花待問津

題張竹亭少尉竹裏聽秋圖小照

我家江洲有茅屋屋後種竹成疏林風篁枝枝夏寒玉天籟聞

發鸞鳳吟琅玕一別忽三載夢中煙雨空江潯張君吏隱抱高節特倩畫手圖青森愛竹原與竹相肖稜稜風骨尤奇欵脫中露頂此兀坐鬚眉綠到茶煙沈拋書時或就午枕石牀徙倚涼雲深此君瀟灑絕塵俗對之可以祛煩襟秋聲四壁常在耳新詩譜入無絃琴尊前同調不數子朝川而外誰招尋謂王芸亭大令德昭橫圖入手動鄉思但覺滿紙皆繁音他時把臂許同隱畫中點筆成苔岑

寒夜喜鄧獻臣明府

琛

枉過兼讀大集賦此奉贈用東坡

聚星堂雪詩韻

宦海浮蹤聚萍葉與君同踏并門雪未經識面心先傾吏事詩才信雙絕忽聞剝啄喜過訪出晤那妨展齒折袖中示我詩一

七言古詩卷二

十

編墨藻飛騰詎磨滅韓蘇大筆極奇矯硬句盤空臂鷹掣我詩骯髒百不工十載愁吟鬢絲纈圍爐促膝談夜深萬瓦霜華感騷屑卷中風木吞聲多夢裏梨雲過眼瞥君有機聲燈影梨雲覓句二圖屬余題句

平生甘苦應自知除卻高歌更何說送君明日上長安定有詩腸轉輪鐵時君將有都門之行

沈仲玉明府

珂清

屬題西齋永慕圖

秋燈一檠手一編只今讀畫空雲煙兒時光景猶在眼爲述舊事生纏綿西齋風雨數椽屋中有高人課兒讀乾蔭一失天晦冥日日孤兒抱書哭故廬回首霜帷空書聲彷彿茲圖中階前梧竹助蕭槭但覺滿紙皆悲風音容一別真成夢四十年來忽增痛猶是哀哀孺子心夜烏啼徧霜天凍我亦天涯感蓼莪江

頭老屋渺山河楹書塵積蟬魚走掩卷中宵涕淚多

甘烈女

天狗飛墮金陵城燕子磯畔東風腥官死亂軍民死賊賊馬踐
踏人頭行烈女見賊色不變自恃防身一長劍傳家技擊世所
無上下寒光掣如電弱腕猶能砍賊顛力已竭兮將何如桃李
年華冰雪膚此時一死甯躊躇至今星石橋邊水嗚咽聲中泣
秋鬼蓮鐔同理玉骨旁戰血猶凝土花紫吁嗟乎今古偉丈夫
節烈可屈指不謂弱女子居然殺賊死萬古芳名播青史

寄李蘭洲

增秋

索近作梅花詩

去年人日與君共梅花香裏開春馨今年人日苦憶君梅花消
息遲相聞去年春比今年早今年花比去年好好花可惜不同
看淺醉閒吟都草草聞君近有梅花詩詩懷只許梅花知花前
獨酌儻見思一篇寄我今其時

春日憶勺湖舊遊寄懷何二俊卿閣讀

其傑

莫大楚薊上

舍惟寶

人生百年駒過隙那得清遊不同憶浮蹤浪迹如萍蓬那得知
已常相逢我念勺湖好風景三五吟朋喚瓜艇揀向荷花多處
停一襟紅瘦斜陽影斜陽催客客未歸碧甯醉折觥仍飛哦詩
動及晚雨歇被酒每趁宵涼微聞鷗拍拍夜驚起明月映花花
映水風裳水珮何翩躚綽約凌波眾仙子別後相思深復深卽
今空有夢追尋夢中此景猶疑真不知身尙羈風塵山川眺覽
總堪賦鶯花偏憶鄉園春遙知勝日尋芳侶可念同時載酒人

紫雲白雪仙楂

爲汪幼堂家文圃綠淨兩圖十四景之一卽次圖中朱石甫先生瑋詩韻

蘿陰低拂簷前雲團香鏤雪尤繽紛緋衣縞袂妙相間眼前妝
點勞東君殘英狼藉愁風大片片瓊瑤吹滿坐尊中有酒常不
空莫厭花時客頻過

讀梅書屋

同上

四壁寒香數椽屋中有幽人伴梅讀冰雪窗櫺燈一綉簷筋時
聞墮殘玉琅琅可聽惟書聲鶴解聽讀能移情亭館春深萬花
放林巒月出千枝明醉後狂吟忽傾吐疏影橫斜瘦蛟舞夢中
縞衣來扣門何處啁啾啼凍羽

竹香齋

同上

階前千竿萬竿竹特闌南軒對晴淥風泉能爲琴筑聲聲和
出鸞凰曲一邱一壑恣卧遊涼痕四壁雲爲留圓扉未許俗客
過几席頓埽騷人憂主人善書兼善畫日日臨摹竹窗下廊檻
屈曲窈以深花木清蒼秀而野東坡亦愛修篁枝宴坐那肯須
臾離細雨茶香筍正熟玉版往往參禪師蒼苔徑入維摩路明
月窺人得幽趣夜深啟戶延秋聲山鬼吹燈復何懼

黃笠雲明府

家楨

屬題冬主圖

長松落落蒼髯如此君一日何可無修竹數竿梅數株品格都
與凡卉殊知君持立意氣孤別倩畫手成斯圖圖中何有三友
俱貌君亦復清而耀十年手握花縣符甘澤到處棠陰敷吏牘
積案如追逋書生結習猶未除冬心獨抱冰在壺玉壺况有春
可沾一尊相屬聊與娛同調恍接眉山蘇古香清蔭當庭隅盈

然春滿高人廬縱令風雪空山居歲寒之盟終不渝披圖示我
意有餘主人雅誼非區區入林把臂儻見呼圖中他日應補吾
榼山行

乙酉秋日巡行屬邑聞沁水榼山大雲寺之勝恩恩往
遊眺覽半日不禁動買山之念爰作長歌以紀其事歸
示內子留爲他日偕隱金焦之券擬卽書付山僧刊石
嵌入天外樓壁閒不僅誌天涯泥爪亦且與名山結一
重翰墨緣也

唐宋迄今千載逾山川名勝盈寰區惜哉世人名利趨足迹大
半山林疏煙霞痼疾我未除閒雲欲去時躊躇廬陵歐陽眉山
蘇太守風流今則無我視前賢百不如當官濫吹南郭竽致身

七言古詩卷二

三

仍復憂妻孥俸錢得不償所逋一麾出守唐堯都民俗勤儉歌
山樞仙山咫尺愁藐姑失之交臂誠有諸余攝平陽府蒙郡有姑射山欲遊未果

漢庭竹使重分符太行之麓東偏隅欲知郡事求方輿行部敢

憚千里劬蕭蕭落葉西風颺籃輿緯挽霜林於心平不問山崎

嶇但謹跬步皆康衢方今民困幸已紓有人雨後耕煙蕪荒田

漸闕仍膏腴西成甫告先征輸穀賤實藉蠶桑租飢者有粟寒

有襦盜風從此清萑荷花村應無龙吠虞兒童竹馬相歌呼父

老更挈觴與壺諸峯拱立迎送吾而吾不樂胡爲乎一榼攢雲

冠翠砧

沁之山爲太行支脈其原來自東烏嶺由烏嶺西南至卧牛山榼山附焉以其形似榼故名望中千

萬蒼松株螺旋而上七里餘輿夫便捷爭猿狙滿地松花香襲

裾輕攜兩袖風徐徐流泉夾道清而紆上方闌寂沉鐘魚到寺

但覺清涼俱石泉一勺分瓢孟滄桑變幻誠須臾惟石不爛泉
不枯三松鼎峙梁棟需慘遭劫火夫何辜昔巢雲鶴今棲颺令
人瞻仰長歛歔三松在釋迦殿前不知何代物曾遭劫火散材自分如莊槩幾曾

物色邀當途巖阿雨露多沾濡寂無斤斧全吾軀釋迦殿宇支
重檀佛前膜拜參團蒲慧心不遠摩尼珠別開一徑通毘盧石

龕彌勒長軒渠似笑來者何頑愚年年白雪添髭鬚青鞵布韞

徒趨起腰腳猶健嗔人扶灌頂那用資醍醐紫竹娟娟零露滑

妙相忽現雙趺山脊有彌勒閣山頂有觀音堂更有松柏連理膚山後松柏同根合抱

空空之腹誰爲劄地踞崇高勢不孤歲寒節操終毋渝側身回

望端氏墟山距端氏十餘里本屬端氏縣治今設巡檢司懸崖鑿翠穿圭窻河流一綫

帶寒淤遠樹小千棲浮直夕陽無限留西晡好將晚景收桑榆

七言古詩卷二

登峯造極吾歸與下方不用傳齋廚飛樓卅六凌霄虛舉頭天

外形神舒寺有天外樓卅六間長廊闌干之數亦如之爲寺中佳勝長廊曲檻危闌朱且爲

名山立斯須茲山究與家山殊鄉愁客思交紛挈金焦佳氣充

門閭夢想不到神爲徂隔江山色迎雙驢軼然一笑傾城姝秀

可餐兮美可茹對之往往忘朝餽盤鴉入手烏雲烏彷彿開鏡

明妝梳手致不減秋娘癯何必更覓隨清娛有山可買茅可誅

傾囊何惜罄鏹銖從吾所好樂只且急待歸與山妻諏當頭雲

黑天模糊催詩雨速將隨車我馬瘡矣我僕痛興盡而返云何

呼白首天涯念友于茫茫身世同漚沔時子絨三弟倚寓大課梁欲歸不得故及之

兒多讀山樓書繩武早直承明廬先大夫以道光乙未捷南宮入詞館詩成率爾

慚操觚那得字字瓊瑤琚然而敝帚千金沾家傳不受人阿諛

先大夫著有享帚齋詩
詞集取徹帚千金之義一幀秋山載楹圖詩中有畫堪臨摹山
僧珍重籠紗幬莫教碑斷青珊瑚質之山靈應曰惡是何言也
非吾徒如此手筆名山儲千秋妄想今狂夫

周村卽目

霜林木落墟煙昏輿夫健足行猶奔寒鴉幾點帶行色遠人賸
暖周家村孝侯祠墓今還在一身蛟虎除三害我來憑弔一蒼
茫目斷斜陽衰草外

沁水道中望楹山

去年登楹山直上最高峯足底千株萬株松今年望楹山茲山
更奇絕頂上千松萬松雪但見松雪不見山令人到此窮躋攀
上方不發鐘磬響淄淄山雲空自寒去年山如今年好今年人
比去年老旦晚輕攜一楹春山妻有約探梅早莫似前遊都草
草

月當頭夕再宿周村行館飲酒放歌

星斗落落霜橫天一輪皓魄當頭圓不知天上宮闕今夕是何
年此語聞自東坡老歌翻水調今猶傳坡老詩名肯落前輩後
長句風格往往追青蓮青蓮斗酒詩百篇不獨酒仙才亦仙不
才我愧唐宋賢有酒亦復飲至斗得詩率爾裁長箋安得興酣
落筆揮灑如雲煙一年幾見當頭月如此高寒迴清絕塊然獨
立渺誰儔惟有姮娥堪與說願爾甯從缺處圓從今毋使圓而
缺但照閨閣長歡娛莫照關山遠離別小別有時有清輝無處
無天涯對此水輪孤行部敢憚風霜劬閨中看月當今宵應念

關山客枕高客枕高風怒號夢回落葉鳴颼颼是時月黑窗紙
黯側耳聽之心怛怛將毋卷我茅檐茅吁嗟乎風伯一何虐茅
檐一何苦此地曾聞斬蛟虎一身三害除昔有晉周處眼底茫
茫一抔土老樹柴門尙有村今日居民樂環堵嗚呼吾宗孝侯
其人足千古古人不可作今人有所思酌之以杯酒質之以歌
詩我詩不工得天籟疾徐長短高下聲音宜朗吟擊節聲出屋
驚起啼鳥啞啞空繞霜林枝須與月白風吼罷膈膊雞聲五更
下絕無山鬼吹昏燈猶有厨人語殘夜夜闌月色清更寒關山
閨閣幾人看惜哉世人大半都夢夢乾坤清氣得來難青天何
高高明月何娟娟中有太行之崇山下有丹水之長川我所思
兮在雲端爲問瓊樓玉宇高寒處姮娥此時眠未眠

七言古詩卷二

六

羅烈婦詩

弁序

廬陵書李烈婦事放翁作馬貞女詩事之奇固藉文傳
文之傳亦未始不因事增重今平江羅烈婦吞粉殉夫
事之奇而可傳者也鄂垣當道諸公製駢啟編徵題詠
一時海內名流紛投珠玉不佞才弱何足與羣賢相頡
頏然而秉彝之好心有同然微諸君子言猶將訪求崖
略播之歌詠固未容嘿而息已爰仿古琴歌作九解紀
其事卽以質諸同人若夫蘭潛德之幽光慰貞魂於泉
下則自有南董氏大手筆在焉

共姜久垂芳荀采同不朽奮乎百世之上孰抗手古猶希今則
有君不見湘潭羅烈婦

一解

烈婦誰家平江周將軍女嬪羅郎

秦嘉徐淑才相當不圖結褵三載分飛速婉變鴛鴦左翼摧天
上人間同一哭二解 耶君弱冠嗜學勿休經疾史志厥弗瘳長

吉嘔心長卿瘵夜半風雨啼鶴鵲婦也籲天血淚併請以身代

贖夫命天聽高高呼不應三解 呼不應血淚罄代則天弗許殉

則天或聽苦節雖貞奚如從以身形影雖違泉路猶可追不知

生樂焉知死悲柏舟一誓兮迫及公子同歸四解 既曰歸止曷

又俟止良人未掩棺偷生旦夕耳若絞衾若含襚若筵几必慎

必詳罔或訾於禮茹痛慰庭闈妯姆防漸弛已而已而胡不遄

死噫吁嘻臨危不亂古所難就義從容有如此此豈尋常兒女

子五解 齒劍者厲雉經者戾一瞑亦須擇善計善計當奈何譬

見匱具猶紛羅鉛華粉澤昔不屑今翻藉汝完大節燈影幢幢

七言古詩卷二

七

風淒淒傾盃引吭甘如飴柔腸寸寸裂須臾貞魂離嗚呼烈婦

之烈一何奇六解 我聞在昔蕭史鍊粉名飛雪丹以餌弄玉同

驂鸞其說荒渺今猶傳何如烈婦茲粉乃長生藥勝九還回首

謝塵世儂已登真仙下眠碌碌脂粉庸可憐豈無飲冰茹蘖苦

到老苦稱未亡人曷弗引決早嗚呼烈婦之烈鬚眉少七解 事

聞於朝 天子賜衰我綽楔輝雲霄咄咄嗟嗟衡山之石

峭且潔何幸乃爲烈婦碣八解 彤管有煒敬告採風展如之媛

兮乃出吾宗日月兮晶晶冰霜兮稜稜我爲作歌兮先濯筆於

湘江之水千秋清九解

篝燈課子圖魏鏡颿太守元瑞 屬題

從古名賢多母教史冊旣旣紀慈孝同此依依寸草心幾人克

遂春暉報黨門太守家慶全北堂耄耋榮金萱華筓詩補九如
備芝誥褒封五色鮮綏山萬樹桃初熟樂府新賡壽人曲錦
堂畫燭何輝煌丙舍書燈忽振觸妙選丹青筆有神尺練繪出
折夔勤深宵玩易梁邱賀篝火研經并大春兒熟楹書母心喜
熒熒短檠寒窗裏銀蟾欲墮霜雞鳴燈炮猶聞督課聲育成國
器瑤琳貢果然鵬翮長風送不負當年畫荻心一麾領郡銅符
重何事承歡羨老萊循聲已博笑顏開怪底使君多惠政都從
封鮮義方來我聞宋臣張師亮手扶壽母金階上又聞日磾母
最賢詔畫甘泉人共仰古今輝映芳徽同清芬况繼敏果公
熙朝嘉話傳人瑞遐齡定邁期願外繫我披圖感不禁熊丸舊
味默追尋自憐反哺心空在色養輸君至樂深戴和簿上金蘭

七言古詩卷二

六

友他日登堂重拜母願將經義質文宣可容猶子傳燈否

一春苦旱仇楸侯明經

汝嘉

以待雨歌見示次韻答之

天心仁愛吾所知久旱得雨今其時爭奈風沙肆狂虐浮雲挾
向東南馳桃李陰陰柳絮絮可憐忙煞封家姨河陽自昔花滿
縣調護實藉賢有司但緩催科勤撫字安靜慈惠皆吾師吾竊
有愧漢良守痕說所至名聲垂君獨於我愛忘醜謬承獎掖心
然疑迂儒拙宦一貧病若大早望甘霖醫神交近今二十載天
涯只恨相逢遲留歡連夕飲文字所願翰墨常相隨酒半停杯
忽不憚圓蔬瘦盡無餘滋眼看菜色少生意鏡雪愁換千莖絲
明朝得雨走相賀賀雨應續香山詩

天意可知不可知春旱直過清明時一夕狂飈肆無賴怒
挾奔鬱東西馳連朝雲氣數難離咄倏忽吹散愁封姨今茲
如情庶稍減天帝命下責所司捧檄悚惶稱死罪促起雨
帝呼龍師郡靈被命疇敢怠蜿蜒修尾東南垂是時鎖院
方校士諸生色然紛駭疑堯都太守笑鼓掌憂時疴病蒼
天醫但將霖雨竟三日蒼生甦活猶非遲鯁生感恩荷推
解憂樂先後思追隨下階向空默祈禱安得一雨千疇滋
何處鳴鳩出芳樹先聲傾刻飄繩絲名亭志喜決伊邇墨
痕頭上催新詩

遣懷仍用前韻示林侯

文章得失方寸知蛾眉晚嫁嗟當時十年典郡竟無補堂堂白

七言古詩卷二

九

日駒奔馳誓與側媚不同態致令見嫉邢侯姨長安千門盛桃
李花開花落春風司散樗之才世久棄敢冀物色來工師堯天
雨露亦恆及其如兩鬢星星垂老去名心澹鷗鷺江湖一棹歸
無疑煙霞痼疾况已久不須飲藥呼庸醫對此茫茫大宦海急
流常恐抽帆遲萍蓬相值得仇覽論文誓喜琴尊隨宏獎風流
重吾愧愧汗不覺醅顏滋深情相貺一何似下筆競吐春蠶絲
試續城南舊聯句東野合附昌黎詩

林侯別後以詩寄懷卽步原韻答之並示展如明府

近多山石能詩者難得逢君附騷雅三椽老屋一燈深風雨宵
吟欲飛瓦讀君寄我瑤華篇擊節聲聲碎檐馬引商刻羽雜流
徵其曲彌高和彌寡此事殆闕天授之要非人力所至也幾人

辦香首重低一辭莫能措游夏竭來我覺搜枯腸漱潤空勞盡
芳筇詩敵難當大將壇酒徒且結高陽社延津合劍會有時壯
志銷磨愧歐冶我詩未工君獨嗜甯知結習生癥瘕每聞宏獎
輒自慙更恐虛名不容假早晚蕭蕭庭樹秋抱葉鳴蟬肯伴啞
苦調還成長短章離憂只合尋常寫爲言避債尙無臺何處庇
寒都有厦便擬飛書亟見招積潦愁深泥沒踝獨立闌珊風露
前寸心宛轉星河下若將長笛例詩人君亦倚樓今趙嘏

疊前韻和賀展如明府

榮驥

四明有客古狂者不愧時人呼賀雅判牘間一抽吟毫墨汁淋
漓出圓瓦長句風格追青蓮日試萬言能倚馬詩人作吏迴不
侔爲政風流近尤寡龐士元非百里才短馭屈之良惜也所欣

七言古詩卷二

三

歷宰堯舜都擊壤而歌樂函夏解愠風清單父琴消憂日醉淵
明舜一代風騷有繼聲衙齋合建聯吟社我病都無舊性靈愚
頑亦藉詩陶冶羨君早讀等身書一瓶借我破愁癥偶然結撰
每至思蘭蕙幽芳若相假敢云笙磬得同音音尙未諧仍復啞
聲音之道與政通既見君子我心寫君具修造鳳樓手笑談突
出凌雲厦政閒况復時過從倒屣不覺忙兩蹠榻來好雨足郊
原禾黍芄芄徧高下從茲懋惠迓和甘永祝豐年天降嘏

展如和作

丹徒先生今作者掉鞅詞壇揜羣雅筆底蒼頭起義軍狂
吟欲振武安瓦落紙聲鏗大海鯨放眼羣空冀北馬昌黎
有時投盧仝才人何患知音寡我才百不如湜籍汗流自

慙非敵也偶持長篇出相示彷彿鈞天奏韶夏亦知淵懷
納細流不嫌汗尊陪玉笋半生舊學憐荒蕪垂老一官涸
民社祇餘淄澠差能辨浣花眉山鎔一冶舉世紛紛學唐
宋但獵皮毛成積瘕惟公才力跨古人貌似不同虎賁假
驍駒長鳴萬馬瘡洪鐘旣宣淫注啞餘事還填絕妙詞殘
月曉風供陶寫厨傳清貧乏俸錢曾次笑兀生廣厦近來
好雨徧四郊喜見農人沒雙蹠編集新繙杜蘇奇報政肯
出龔黃下我欲作頌比奚斯常祝天錫公純嘏

癸巳元日賀展如明府枉過見示除夕和詩率成七古一
章答謝卽書其皖遊詩後

歲且更始星回天東皇淑氣來無邊春城爆竹聲喧闐元正賀

七言古詩卷二

三

客官曹聯辱君枉駕先投鞭倒屣出戶忙迎延地爐茶鼎活火
煎斗室小于吳篷船論詩促膝暢所宣勝如杯杓消煩悵昨夕
守歲寒不眠屠蘇薄醉椒花筵酒腸窄共詩腸孱下酒借君詩
一編今朝握手詩襟連袖底更出瓊瑤箋先覩爲快喜欲顛不

覺鄙吝都爲蠲卷中珠玉紛羅駢皖遊歷紀名山川賈賦依舊
囊無錢青眼乃得詞宗憐

謂皖學使景
劍泉先生

友朋贈答多蘭茝成公

而外商彭籛

謂成芷青
彭心梅

天涯一別愁風煙故交零落秋林蟬柏

舟之作留幾篇梨花泣雨啼青鵑闡揚文字光九泉節烈實藉
詩人傳當其構思眇以縣游絲裊裊風中懸及其揮擺動八埏

韓蘇大筆真如椽漢魏六朝唐宋沿其詩則一意則千自非刻
苦三十年那克包舉眾妙全資稟殆關天授旃夫豈人力能致

焉或云作吏塵累牽翰墨往往輕棄捐君於此事殊拳拳政暇
猶復勤丹鉛唐堯舊都正搯咽昔歌擊壤今懷甄典郡我則聊
備員得君佐理疲俗痊以詩爲政教必先比閭誦習武城絃若
金受範埴在甄泮林化彼飛鳴翮喜見三白滋春田盡鑄農器
銷戈鋌郁黍芄茂潘花薦元氣尤賴詩幹旋側聞人皆說尹賢
不獨吏仙才亦仙仙才橫逸追青蓮雲夢八九胸中填彼汾曲
吟清且漣從君詩魄一洗湔冰雪嶙嶙姑射巔山字並聳高吟
肩諸郎玉樹臨風前風流文采相新鮮歌翻白雪陽春妍傳家
詩學同源淵我慙詩學師無專東塗西抹祇偶然擊鉢聲中鬪
巧儂敢誇笙磬音俱圓而君謂我根柢堅阿其所好毋乃偏班
馬分操筆削權要君糾謬兼繩愆譬猶玉石資磨研更唱迭和

七言古詩卷二

三

甯非緣一瓣心香早告虔作詩報謝深相鑄

人日飲酒憶江上草堂梅花有作

草堂一別三十年梅花消息空江天年年人日題詩箋欲寄苦
乏鱗鴻傳昨宵夢陟家山巔金焦兩點青螺煙饑鶴啄破蒼苔
圓應有招我歸來篇今朝薄醉當花前鄉懷客思都纏縣新韶
滿眼陽和扇寒消九九圖中填八十一瓣燕支鮮紛紛桃李爭
開先先開蚤落理固然誰其能奪造化權要知冰雪相磨鑄北
枝或比南枝妍東皇雨露終不偏何須更乞春風憐

鐵花行

并序

澤州上元夜郡署鐵花之戲爲他處所無是日堂廡下
設鑪輔數具范土作瓮入碎鐵鏐之自晨至暮瓮表裏

皆赫然鐵成汁矣冷人嫺此技者以巨鉗鉗瓮置階下
東西各數瓮瓮各數人手一勺挹鐵汁一棒自下擊之
汁驀越騰濺縱橫數丈迭挹迭擊瓮盡則數數易歷時
許乃畢異彩丹葩洞心駭目古稱火樹銀花無此壯麗
殆奇觀也爰作長歌以紀其勝兼以論諸未見者

太行產鐵賤如土洪鑪躍冶萬花舞濫觴何代創何人郡志大
書風俗門我聞隋宮翦綵炫紅紫千斛螢飛亦可喜那知異想
入非非鎔鐵成花更豪侈上元百戲競繁華曼衍魚龍繞郡衙
就中鐵花最奇麗煉硝吐燄何足誇月華掩映春燈豔年年此
夕看不厭舉國走若狂觀者如堵牆萬目睽睽齊注視笑爾火
城頌洞開中央健兒數輩逞奇技一勺一棒相激揚等閒出沒

七言古詩卷二

三

濃煙裏得非商邱開與吳姚光聳身奮臂恣揮霍瞥忽金蛇朱
雀紛迴翔橫飛九尋高百尺要與碧霄星斗爭寒芒赤城霞起
無此疾陸渾山火無此密疑是散花天女特翻新徧灑紅雪飛
繽紛又疑火龍赤蛟鬪天半敗殘鱗甲化爲金屑隨風散有時
觸霄凌雲樹梢頭巍巍無數銀花顛倏然倒擲丹砂如滿地迸
落珊瑚珠煙消燄盡始斂手電掣星流化烏有眼前頓覺廣庭
空但見一輪璧月天當中俯仰難禁喧寂感世閒萬事將母同
噫吁嘻莫怪曲終還奏雅我有迂談告觀者點綴升平意自嘉
虛拋物力終嫌奢偶爲熱戲亦何害棄貨頻年母乃太與其歲
糜精鐵數千斤胡弗鑄爲農器供耕耘此論橫胸常耿耿一任
人嗤裂風景更關賦罷鐵花行遠寺蒲牢發深省

葛烈婦詩

并序

烈婦姓葛氏甘肅中衛人秀外慧中笄年歸嘉興錢小
山丈

燕桂

爲側室性婉嫵而其識不凡生子悒悒無喜

色子殤漠然若無足惜者意謂舒祺晚抱儻乾蔭一失
成立難遽期他年捨恆幹踐苟采節幸無嬰妮牽念斯
一睽可不視耳噫何言之悲而志之定也咸豐辛酉逆

猶陷肅州烈婦遇變以罵賊飲刃死小星與日月爭光

嗚呼烈矣錢氏故寒家親串小山先生令子清泉通守

實鈔

亦振奇士不佞再守平河清泉繼若翁佐郡幕每

述烈婦事恆以當日未及爲請 旌卹爲大戚懼奇行

終湮沒將徧丐大手筆撰述垂永久乃具狀烈婦行實

七言古詩卷二

七

而首徵余詩蓋欲使木祝先鳴爲諸君子作前馬也爰
敬仿長慶體賦七古一章以貽清泉卽以此詩爲徵詩
文之啟也可

珊瑚瑤葉女貞木鶴鶴偷眼不敢宿芒寒色正女媧星天狼斂
爪不敢搜男兒莫漫誇奇節巾幗中有錚錚鐵葛家閨彥錢家
姬展如之媛信實絕伸文五十鬢未華諸侯賓客遠浮家班彪
作奏才無匹杜牧尋春興正賒紙閣蘆簾思暝老一枝碧玉聘
鳴沙坤靈扇牒鴛鴦字龍門只合清娛侍蓮花幕底鎮雙棲樓
羅歷寫綢繆記方欣吉夢叶維熊詎意曇華一現空童烏夭折
人爭悼翻訝摩敦少戚容寸抱辛酸誰共喻微詞幽咽訴難終
碧桃結子春將盡瓊芽一任隨風隕異時攜手華山畿更無餘

戀庸非幸漆室悲吟意未休紅顏偏抱杞人憂芙蓉泣露秋心冷不信盧家有莫愁我聞南齊陶貞白不願生兒人莫測太清三年事預知免留弱息罹兵厄彼姝者子將毋同深心不讓華陽客果然剝運遭陽九羯獊氛起歲辛酉酒泉城外莽烽煙貔狗摩牙聚羣醜連天殺氣日無光動地奔雷礮狂吼一軍夜半化蟲沙斗大孤城落賊手雖幸黃巾感鄭公

賊感陳刺史舊恩以兵守州署故未害

加爭奈危巢懸虎口此際良人正遠行此時誰繫護花鈴驚聞

警應拋家識恥學妝因墮馬成猶冀重圓樂昌鏡暫忍一死惟

吞聲幽蘭已向空谷匿無端偏惹狂蜂逼嬌覽涎垂孫翊妻熊

贊心醉息姬色鳩媒兩兩舌如簧

賊遣二狗婦來誘脅

怒激蛾眉冰雪腸

拌向車旁詈董卓肯從臺下避康王雲容頓改朝霞變全貞仗

七言古詩卷二

五

有虞姬劍霜花一瞥透螭螭橫飛紅雨香喉綻料應兵解返青琳遺恨猶賚同穴願傾城今古幾完人慘烈真堪泣鬼神一夕長空沈婺宿餘光還現七星文兩閒浩氣有如此常山之舌睢

陽齒碧血丹心偉丈夫追蹤乃出弱女子草閒偷活彼何人碌碌鬚眉都愧死彈指滄桑三十年甘涼萬口尙流傳綠珠玉碎應同調莫作桃根桃葉看

王師爾日申天討鯨鯢戮盡櫓槍

掃袞忠獎節慰重泉可惜明珠遺草草誰爲潛德發幽光難作通天臺上表冥冥豈屑向隅悲自有中郎幼婦碑留得數行文字在亦如綽楔高巍巍公子錢徽意良苦揮淚爲文記覩縷道

是而翁有賢筮凜然大節足千古此日垂爲家乘光他年留待

國史補奇蹟彰彰無愧詞記成示我先徵詩紀羣交並葭李

誰已負諾責難堅辭我讀斯記意悽愴讀至篇終神忽王筆花
瓊璨墨花飛羽聲激越徵聲壯伸紙疾書風雨馳髣髴貞魂來
默相食取精味積交滄鬱軒平百階令口論御出古歌

一生消夏八詠

蠅

營營者附熱徒紛紛者逐臭夫一時化作千億軀揮去復來胡
爲乎所爭者惟口腹需所處之地皆膏腴仰棲爾已足自娛奈
何欲使白璧汙物固如此人何如

蠹

聚如煙暑方溽閱如雷睡難熟欺人昏黑中利背亦太酷吮人
之脂膏果爾之口腹比諸蜂蠆尾尤毒中宵三四起搔爬未云
足悄掩碧紗嚟高列金蓮燭一拍都教歸掌握爲背忘身報何

七言古詩卷二

五

蚤

蚤

以跳爲善走以鑽爲善謀伏匿牀第間百喙之攻不少休捕不
必使蟻蝨撮不必羨鴟鵂斃爾只須一指頭其咎乃自取於人
乎何尤

蝨

一生飽煖惟喫著羣處禪中欣所託敗絮寅緣工揣度擇肥吞
噬恣貪虐誰知解衣忽磅礴手可捫兮口能嚙世有雄談王景

略

蛆

混沌不分日無眉目脍炙不勤日無手足非卵亦非胎縣縣延
延出蠅腹平生食穢如食穀遺臭萬年實繁此族誰謂讒人無
似續

蛾

綠桂之膏燃以照夜如彼飛蟲慕火光化嗟爾一何愚但惟炎
是趨笑爾無所苦輕生赴一炬來者今往者古古人依末光臣
妾甘殉主蛾兮蛾兮爾有知胡不從今擇死所

蛙

池塘一雨喧青蕪聒耳鼓吹兩部俱汝爲官乎爲私乎舉頭閱
關讀何書胸中曾有墨水無漫誇飲水清無比但上魚鉤亦貪
餌官耶私耶率如此汝輩何嘗慙且泚

蟬

七言古詩卷二

七

蛻形穢壤中清氣獨吞吐一枝棲借槐陰午自信忘機無所爭
奈何不免螳螂捕蟬兮蟬兮吾語汝知否人生重出處薄鬢絲
絲已可憐長吟嘒嘒夫何苦胡不曳殘聲振倦羽不待驚秋便
高舉高舉去何方莫如歸江鄉江鄉老柳葉未黃境雖疏冷多
斜陽對雲水之茫茫感身世兮炎涼不問後來黃雀更何論乎
螳螂

柏井驛行館壁間嵌石鐫有徐花農太史琪蛟潭奇石歌

七古一章卽步原韻和之

袖底輕攜一卷石詩云得自潛蛟窟妙句鐫留片石閒驛館蕭
條頓增色詞宗風骨本天生天風吹下鳴珂聲鸞掖文章致身

早得路甯與鷓鴣爭我愧沈吟百僚底塵夢勞勞思隱几夢到
蓬萊料亦難諺附風騷託知己不才只合終槃阿且放憂懷入
寤歌方今時事不可說縱令有口空懸河一官落拓真堪笑老
去名心付殘照天涯遠和玉堂詩燕石敢期瓊玖報

花農太史原作

翠蛟潭畔得奇石蜂房無數皆蛟窟仇池雪浪未足誇我
恐東坡有慙色攜之滿袖秋雲生頃刻千山聞雨聲莫非
山靈惜此寶靳而不與來相爭我思此石在潭底千載何
人陳裴几我今空谷來足音石乎石乎亦知己比之奇士
老巖阿忽作明堂清廟歌豈云出山遽嫌濁將爲砥柱挽
江河山靈聞之亦狂笑回首峯巒露斜照慨然贈我歷歷
裝我以新詩一篇報

七言古詩卷二

天

旅中岑寂與劉宸班茂才

玉瓚

翦燈夜話卽事感懷再疊

前韻

我本山中老頑石夢繞江鄉水雲窟胡爲風雪走關河五馬蕭
蕭躡行色偕行幸有鄉先生著鞭先我聞雞聲振衣起舞忽不
樂知命難以文章爭天涯百感集宵底一粟寒繁映塵几情話
都忘行路難難得朋簪盍知己君才不合老澗阿且彈長鋏思
魚歌三千里外客遊壯眼見表裏皆山河塵勞一任山靈笑暮
景飛騰趁斜照不是家山不肯歸 國恩尙未涓埃報

由都差竣回晉行次槐樹鋪得晤章孟荷都戎

玉春

時由

丹川奉調所部練軍赴京防堵詢悉郡署平安詩以自

慰三疊前韻

濫叨食祿二千石高枕何曾營一窟徒勞悵望好林泉殊愧蹉
跎暮容色側聞海上烽煙生鴻鶻鶴唳連風聲兵車麟麟馬前
過亂山冰滑霜蹶爭幾家茅屋寒山底積雪分明列屏几我來
投宿已黃昏忽漫相逢舊知己軍麾移自太行阿側耳佗聽金
鏡歌橫戈躍馬氣頗壯洗兵欲挽桑乾河片時握手載言笑小
別心情兩相照忽憶衙齋竹數竿因君訊得平安報

感憤四疊前韻

媧皇能鍊補天石世路難填不平窟海上夷氛捲地來元戎東
手無長策我獨傷時念賈生臨風欲哭爲吞聲茫茫身世一基
局忍見河山有戰爭艱虞蒿目伊胡底重勞 聖主憑軒几有
時端拱問瘡痍下 詔切責先罪已拭眼雙龍出太阿不能殺
賊空悲歌欲爲蒼生洗憂戚除決湖海傾江河迂儒計拙休相
笑葵藿心猶向 離照寄語 天家將帥臣捷書早晚甘泉報

飲酒五疊前韻

能飲一斗至一石飲所何曾離酒窟獻壽剛開 王母尊 九
重春醉仙桃色平地波濤頃刻生霓裳罷舞歌停聲三十年來
孰籌海而忍坐視魚龍爭東華十丈輦紅底花戶油窗書畫几
聞道消寒近局無梅鶴飄然亦拋已我獨歸兮山之阿尊前空
憶大風歌方今流俗盡波靡滔滔日下成江河失之東隅何足
笑猶冀桑榆收晚照計日 天威盪海氛諸君何以升平報

